

# ITLF BULLETIN

A Publication of ITLF Media & Publicity Department

VOLUME I-ISSUE NO 30

INDIGENOUS TRIBAL LEADERS' FORUM

THURSDAY 13 JULY 2023

## Meetei Leepun Chief Lakah FIR thehluh a ni

Meetei Leepun Chief, Pramot Singha'n hnam leh hnam inkara inngeih lohna pian tir thei zawngin khawvel hriatah thu a sawi a. Hnam pakhat phei chu ka nuai chimit vek ang a tih avangin Satminthang Kipgen, President KSO- Sadar Hills leh Thangtinlen Haokip, Gen. Secy. KSO- Sadar Hills ten Kangpokpi Police Station-ah FIR an thehlut. Pramot-a hian Kuki-Zo fate chu vawi khat thil thua nuai bo vek tumin a vau avang hian IPC 120-B, 153-A, 504, 505, 503, 34 hnuiah FIR thehluh khum a ni.

## Arambai Tenggol Chanchin Tlangzarh

Tun tum kan buaina-a Zofate chunga rawng tak a che Arambai Tenggol inti Meitei Radical Group-te chanchin tlangpui ziahma "The rise of Arambai Tenggol" lehkhabu (Booklet) chu ITLF Media Cell in mi zawng zawng chhiar theih turin a tlangzarh ta. He booklet hi PDF version-a chhuah phawt a ni a, ITLF Media Cell Office leh ITLF Website-ah eng tik lai pawhin download theih a ni.

## ITLF Media Cell in Fake PR chhuah pawiti; FIR ziahluh a ni

Hun eng emaw chen kalta atang khan ITLF letterhead leh Convener hming sign hmangin Meitei nia rin ten Kuki-Zo fate inpumkhatna tichhe thei leh movement tibuai thei zawngin thuchhuah an siam thin a. Tun kar chhung mai pawh hian tum thum emaw lai chu an lo siam hman a, mahse kan tanrualna avangin tihfel a ni.

July 11, 2023 zan khan ITLF letterhead leh hming sign hmangin thuchhuah siamchawp an chhuah a, he thuchhuah lem hi national news agency hmingthang ANI-ah pekluh a ni a, thudik nia ringin National media hrang hrang Times of India thlengin an lo pe hman a ni. Nimin khan ITLF Media Cell hruaitute hian ANI-te be pawpin thuchhuah lem hi an hnudawh tir a, ngaihdam pawh an dil tir nghal a ni. ITLF Logo leh Signature-te ruk a nih chungchangah hian Lamka Police Stationah FIR ziahluh a ni.

## Moreh-ah Curfew puan a ni

Manipur Police Commando-te'n tun hnai hian Civil Dress-a inthuamin Moreh leh a chhehvel an enthla

thin a, hei hian mipui a tichiai thin nia hriat a ni. Nimin mai pawh khan mipui che vel enthlithlai turin an lo kal leh a, mi man tura lo thawk anga an lan avangin village volunteer-te nen hian an innawk buai deuh hman a ni. Hetia mipui zinga innawk an nih avang hian Volunteer ho hi duh angin an che thei lo niin an sawi a, mahse Manipur Commando-te pawh hi a hnuah inhnukdawkin sawrkarin curfew an puan chhunzawm ta a ni.

## ZORO hmalaknain Rally neih a ni: Thutlukna 3 la

Manipur ram buaina chungchangah nimin khan ZORO hmalaknain Aizawl khawpuiah rally neih a ni. He hunah hian Pu L. Ramdinliana Renthlei, Gen. Secy., ZORO chuan buaina reng rengah inchhung pa berin mawphphurhna a la thin a ni ngai a, tun tum Manipur buainaah erawh hi chuan India rama kan pa ber Narendra Modia'n tun thlenga eng mah a la sawi lo hi chu min ngaihsak lohzia lantirna a ni a ti.

Rally-ah hian mipui pungkhawmten thutlukna pathum an siam a, chungte chu (1) Manipur buaina avanga harsatna tawk zawng zawngte rilru leh thinlung takin kan tawrhpu a ni (2) Kuki-Zo fate tana Saperate Administration India Sawrkarin a pek ngei theih nan kan dilpui ang (3) Zofate inpumkhatna a awm zel theih nan theih tawpin kan bei zel ang.

He rally-ah hian Manipura kan mi leh sate thah chimih tuma an in leh lote halsak an ni chu nasa taka demin Biren Singh, Narendra Modi leh David Thiek thattupa lem te chu mipuiin an hal a ni.

## World Bank Project P176733 chawl lailawk turin KSO City Branch in ngen

Manipur State-a digital transformation a awm theih nan World Bank-in 46 Million US Dolar pek a tum tih thawm awm chungchangah KSO City Branch chuan Kuki-Zo fate tan thil hlauhawm thleng thei nia a hriat avangin Ajay Banga, President, World Bank hnenah he project hi lo chawlhsan rih phawt turin ngenna lehkha an pe.

World Bankin sum tam tak a pek chuan Manipur sawrkar hian Kuki-Zo fate dona atan a hmang ngei ang tih hi thil chiang a nih avangin KSO City Branch chuan project hi chawlhsan rih phawt turin a ngen a ni.

ITLF Media Cell

Twitter: [https://twitter.com/ITLFMedia\\_Cell](https://twitter.com/ITLFMedia_Cell)

Facebook: <https://www.facebook.com/itlfmediacell>

**EDITORIAL**

**M**anipur ram chhung buaina avangin tute mah hian kan nitin hun hman dan te duh dan angin kan hmang thei tawh lo va, a te ber atanga a lian ber thlengin tute pawh ral doin kan buai vek a ni. Frontline-a raldo pawl kan awm a, Relief hmanga raldo kan awm a, Media lama raldo kan awm a, sum leh pai hmanga raldo kan awm a, tawngtainaa raldo kan awm a, kan theihna zawnah theuh theih tawpin tan kan la theuh a ni. Theihtawpa ral kan do lai hian kan chakna hnar chu Pathian a ni tih hre chunga thahnemngai taka akn auh a pawimawh hle. Tun thlenga Biak in khar lova Pathian hmaa thahnemngai taka tawngtai thinte chungah lawmthu kan sawi mawlh mawlh a ni.

Kan thil tihtheihna piah lama Pathianin min puihna te, min awmpuinate leh min venhimnate hi kan rinlohma hmunahte hmuhi a awm thin a. Hengte hi kan fel bik vang leh kan that bik vang a nil ova min hmangaihna avang a ni tih kan theihnhilh loh a pawimawh hle.

Ramchhungah nasa taka kan buai lain India ram Prime Minister Narendra Modi chuan kan buaina chungchangah kam khat mah thusawi

a la nei lo va. Chutih laiin naktuk July 14, 2023 khian France ramah Bastile day hmang turin a zin chhuak dawn a ni. Kan buaina hi hriat loh der tum mah se kan lamah Pathian a tan phawt chuan eng thleng nge a hriat loh der theih ang?

Narendra Modi zin hma hian nimin July 12, 2023 khan France khawpui Strasbourg-a neih European parliament rorelna-ah Manipur buaina hi ngaipawimawhin an sawi ho va. Narendra Modi hian Human Right a palzut a ni tiin BJP sawrkar chu nasa takin an dem a ni.

Narendra Modi hian kan buaina hi hriat loh der tum tlat mah se European parliament meuhin hetia sawi hona an nei a nih chuan kan tan thil tha leh kan tana hnehna chi khat a ni.

Hetianga thil thleng thin hi kan thil tihtheihna piaha Pathian tanpuina leh awmpuina kan dawn thin lo lan dan a ni a, hmalam hunah pawh kan tan thil tha a rawn her chhuah zel beisei chungin Pathian hnenah theih tawpin I tawngtai zel ang u. Inthlahdah lova inngaitlawm taka Pathian kana uh zel chuan kan tan thil ropui min tihsak zel ang.

- ✓ 12th July 2023 khan Kuki Women Union (KWU) Teising Block atangin chawhmeh chi hrang hrang bag 29 lai ITLF Relief Dept. in an dawng.
- ✓ 12th July 2023 vek khan EBCC Tribal Colony, Dorcas-te hnen atangin tanpuina sum fai Rs. 10,000/- ITLF in an dawng.

**UPDATE TILL 13 JULY 2023**

**113**  
CONFIRMED DEATHS



**197**  
VILLAGES BURNED



**7000+**  
HOUSES BURNED



**359**  
CHURCHES BURNED



**41425**  
DISPLACED PERSONS



**204**  
RELIEF CAMPS

**RELIEF SUPPORT**

Office: Lamka Govt College, Hiangtam Lamka

**Contacts:**

Mangcha Thangzom – 8837368373 (Convenor)  
V. Gouthianmuan - 9862086583 (Co-Convenor)

**FINANCIAL SUPPORT**

Office: Lamka Govt College, Hiangtam Lamka

**ITLF Joint Bank Account:**

Name: Henkhopao Haokip & N. Vialkhanthang  
Account No: 41912626404  
IFSC: SBIN0064016 | Bank: SBI Salbung Branch